

Zbirka medijskih objava

VladaBrckoDistrikta_kliping_dnevno,
za razdoblje 13. 10. 2019

Broj objava: 7

Internet: 3

Štampa: 4

Teme praćenja:

Vlada Brčko Distrikta: 2

Gradonačelnik Brčko ...: 1

Skupština Brčko Distrikta: 0

Brčko: 4

Vlada Brčko Distrikta:

Internet	Naslov	Vlada Brčko distrikta od Bobar banke potražuje 550.000 KM		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 11. 10. 2019		
Stranica u zbirci: 6	Autor	Unknown		
	Teme	Vlada Brčko Distrikta		

Internet	Naslov	Brčko: Na javni poziv za obnovu aplicirala i lica koja su u ratu bila interno raseljena		
Serijski br. 2	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 11. 10. 2019		
Stranica u zbirci: 8	Autor	Unknown		
	Teme	Vlada Brčko Distrikta		

Gradonačelnik Brčko Distrikta:

Internet	Naslov	Градоначелник Милић примио дјецу поводом Недеље дјетета		
Serijski br. 1	Medij; Doseg	radiobrcko.ba; , Bosna i Hercegovina		
	Rubrika, Datum	Ostalo; 11. 10. 2019		
Stranica u zbirci: 9	Autor	Unknown		
	Teme	Gradonačelnik Brčko Distrikta		

Brčko:

Štampa	Naslov	Umjesto vrcanja, med za prihranu		
Serijski br. 1	Medij; Doseg	Dnevni avaz; 50.000, Bosna i Hercegovina	Stranica: 12	Površina: 118 cm ²
	Rubrika, Datum	Ostalo; 13. 10. 2019		
Stranica u zbirci: 10	Autor	H. Č.		
	Teme	Brčko		

Štampa	Naslov	Novi evropski trendovi u farmaciji		
Serijski br. 2	Medij; Doseg	Oslobođenje; , Bosna i Hercegovina	Stranica: 33	Površina: 456 cm ²
	Rubrika, Datum	Ostalo; 13. 10. 2019		
Stranica u zbirci: 11	Autor	Babić Merima		
	Teme	Brčko		

Štampa	Naslov	Starost voznog parka u BiH iznosi 16 godina, najviše registriranih automobila u Sarajevu i Tuzli		
Serijski br. 3	Medij; Doseg	Večernji list; , Bosna i Hercegovina	Stranica: 2	Površina: 212 cm ²
	Rubrika, Datum	Aktualno; 13. 10. 2019		
Stranica u zbirci: 12	Autor	Tulić Zlatko		
	Teme	Brčko		

Štampa	Naslov	Radi se 36 km koridora s objektima i deseci mostova		
Serijski br. 4	Medij; Doseg	Večernji list; , Bosna i Hercegovina	Stranica: 3	Površina: 143 cm ²
	Rubrika, Datum	Aktualno; 13. 10. 2019		
Stranica u zbirci: 13	Autor	Unknown		
	Teme	Brčko		

Vlada Brčko distrikta od Bobar banke potražuje 550.000 KM

petak, 11 oktobar 2019 19:48

Autor **Capital.ba**

Kategorija: Vijesti **Brčko**^[1]



Odjeljenje za poljoprivredu, šumarstvo i vodoprivredu u Vladi **Brčko** distrikta tužilo je Bobar banku u stečaju i potražuje oko 550.000 KM, a u Okružnom privrednom sudu u Bijeljini danas je održana glavna rasprava u tom sudskom sporu.

Naime, osim 365.685 KM priznatih od strane likvidacionog i stečajnog upravnika Bobar banke, brčansko Odjeljenje za poljoprivredu potražuje i osporenih 182.832 KM na ime zakonskih zateznih kamata.

Na glavnoj raspravi svjedočili su Mato Lučić, zaposlen u Direkciji za finansije **Brčko** distrikta i Adnan Pašalić, koji je od februara 2015. do kraja 2016. godine bio šef Odsjeka za poljoprivredu, šumarstvo i vodoprivredu. Njih je, o sadržini ugovora zaključenih između institucija **Brčko** distrikta i Bobar banke, ispitala zamjenik pravobranioca **Brčko** distrikta Velida Demirović.

Lučić i Pašalić su pojasnili da su bila u pitanju budžetska sredstva koja su uplaćivana na račun za posebne namjene i da su ta sredstva korištena za isplatu kredita poljoprivrednicima sa područja **Brčko** distrikta.

„To su bila sredstva javnih prihoda koja je Direkcija za finansije tokom fiskalne godine prikupljala iz poreskih izvora, kao što su direktni i indirektni porezi, te vlastiti prihodi“, izjavio je Lučić.

Pašalić je kazao da je Bobar banka bila posrednik između Vlade Brčko distrikta i poljoprivrednika kojima su plasirana kreditna sredstva, precizno navodeći obaveze poljoprivrednika da vrate kredite, ali i Bobar banke da Brčko distriktu vraća glavnice plasiranih kredita, kako bi se ta sredstva ponovo dodjeljivala novim korisnicima.

„Bobar banka je do početka 2015. godine redovno uplaćivala sredstva od povrata korisnika kredita, a nakon otvaranja likvidacionog postupka to je prekinuto. Poljoprivrednici su nastavili uplaćivati Bobar banci neizmirene rate kredita do izvršenja svojih obaveza“, izjavio je Pašalić.

Advokat Bobar banke Milenko Zelenović uputio je prigovor na iskaze svjedoka, ističući da su oni u ovom sporu irelevantni, jer je predmet spora pravno pitanje, odnosno izlučni zahtjev tužioca Brčko distrikta i potraživanje zateznih kamata, ističući da su u tom smislu iskazi svjedoka bez značaja za ovaj spor.

Suđenje će biti nastavljeno 11. decembra iznošenjem materijalnih dokaza i saslušanjem vještaka ekonomske struke.

Градоначелник Милић примио дјецу поводом Недеље дјетета



Градоначелник Брчког Синиша Милић данас је поводом Међународне недеље дјетета, у градској Вијећници, уприличио пријем за 15 дјеце из Основних школа **Брчко** дистрикта и троје дјеце из вртића „Наша дјеца“. Малишани су данас са поклонима стигли у градску Вијећницу гдје их је чекао градоначелник са сарадницима гдје су дјеца имала могућност да кажу своје жеље на традиционалном пријему поводом Међународне недеље дјетета. Дјеца су овом приликом имала бројна питања за градоначелника, а приредила су и пригодан програм.

„Дјечија недеља је прилика да се још једном подсјетимо да фокус нашег дјеловања треба да буде на стварању услова за безбрижно одрастање и живот ове дјеце. Али, није само Дјечија недеља дан када треба да се сјећамо својих обавеза већ током цијеле године сав наш рад треба да буде усмјерен на добро ове дјеце“, истакао је градоначелник Милић.

Дјеца су имала бројна питања, а приредила су и пригодан програм и поклоне за градоначелника.

Данашњем пријему присуствовала је и Мара Маткић, шеф пододјелења за предшколско и основно образовање истичући да је пријем код градоначелника завршни догађај поводом Недеље дјетета која је у **Брчком** обиљежена низом активности у школама и вртићима.

Међународна недјеља дјетета је традиционални међународни догађај који се одржава сваке године у првој пуној седмици октобра већ 60 година, с циљем усмјеравања пажње одраслих на потребе и права дјетета, посебно на положај у заједници у којој живи, расте и развија се.

Brčko: Na javni poziv za obnovu aplicirala i lica koja su u ratu bila interno raseljena



Odjeljenje za izbjegla raseljena lica i stambena pitanja brčanske Vlade, zaključilo je prijem zahtjeva za obnovu ratom porušenih stambenih objekata.

“Veoma je važno da je na Vladi prihvaćena izmjena kriterija, čime je izbrisana dosada obavezujuća odredba da aplikant za pomoć mora biti u statusu izbjeglice ili raseljenog lica. Na ovaj javni poziv su mogle aplicirati i osobe koje su interno raseljene, pa se ukupno prijavilo više od 500. aplikanata“, rekao je šef odjeljenja Petar Vrhovac.



[1]

Petar Vrhovac

Za ove namjene je iz budžeta izdvojeno 500.000 maraka, a Komisija koju je imenovao šef resornog odjeljenja u narednih desetak dana će započeti posao na rangiranju prispjelih aplikacija, odnosno odabiru korisnika.

Iz Odjeljenja su ka brčanskoj Vladi već na usvajanje prosljeđeni kriteriji koji se odnose na sanaciju stabenih objekata osoba koje su u socijalnoj potrebi.

„Licima sa slabim materijalnim stanjem biće saniran najnužniji prostor za boravak, što uključuje i sanitarni čvor i kupatilo, a ukupno za ove svrhe izdvojeno je 500.000. maraka“, precizirao je Vrhovac.



GRACANICA Nikad teža godina za pčelare Umjesto vrcanja, med za prihranu

Pčelari u cijeloj Bosni i Hercegovini, zbog izuzetno loših klimatskih uvjeta, ne pamte lošiju godinu. Proljeće je prošlo u kiši, hladnom i vjetrovitom vremenu, a slično vrijeme je bilo i u vrijeme glavne ispaše, bagremovog cvata.

Livadski ispaša nije mogla nadoknaditi izgubljeno pa su se pčelari našli u veoma teškoj situaciji. Umjesto da vrcaju med i da uživaju u plodovima svog i rada vrijednih pčela, bore se da prihrane pčelinja društva i ojačaju ih za predstojeću zimu.


- Ja sam, da bih situaciju koliko-toliko spasio, svojih 65 društava dva pu-



Med ostavljen za ishranu pčela i ojačavanje pčelinjih društava

ta selio, kod Orašja i Brčkog - kaže jedan od najpoznatijih gračaničkih pčelara Husein Okanović iz naselja Škahovica.

Ovaj pčelar sa 60-godišnjim iskustvom sjeća se 2000. godine, kad je po jednoj košnici izvrcao 25 kilograma meda. **H. Č.**



Na Kongresu je istaknut značaj farmaceutske struke u zdravstvenom sistemu / AMER KAJMOVIC

Novi evropski trendovi u farmaciji

U regionalnoj saradnji u pripremi je projekat koji bi trebao da unaprijedi usluge u apotekama, istaknuto je na Kongresu farmaceuta BiH, nedavno održanom u Sarajevu

Novi trendovi u farmaciji sa iskustvima iz evropskih zemalja izloženi kroz prezentacije i panele bili su značajna tema nedavno organizovanog četvrtog Kongresa farmaceuta Bosne i Hercegovine u Sarajevu. Na skupu je učestvovalo oko 1.200 stručnjaka iz Evrope, SAD-a, zemalja regiona i BiH. Istaknuto je kako je BiH sjedište Asocijacije farmaceutskih komora jugoistočne Evrope, tako da su učesnici bili magistri farmacije iz Hrvatske, Srbije, Slovenije, Crne Gore, Makedonije, Albanije, Kosova i Bugarske. U regionalnoj saradnji u pripremi je tako zajednički projekat koji bi trebao da unaprijedi usluge u apotekama.

Ključna uloga

"Međunarodnoj farmaceutskoj federaciji je velika čast što su Komora magistara farmacije FBiH i Farmaceutsko društvo Republike Srpske članovi Federacije", kazao je Goncalo Sousa Pinto, predstavnik Federacije, otvarajući Kongres te u prezentaciji odaslao poruku bh. farmaceutima da "farmacija igra ključnu ulogu u održivosti zdravstvenog sistema i zdravstvene zaštite u svakoj državi te da je odgovorna upotreba lijekova veoma bitna za primarnu zdravstvenu zaštitu".

Prim. mr. ph. Rada Amidžić, predsjednica Organizacionog odbora Kongresa farmaceuta BiH, izrazila je zahvalnost suorganizatorima Medicinskom fakultetu Univerziteta Banja Luka, Farmaceutskom fakultetu Mostar i Farmaceutskim fakultetima u Sarajevu i Tuzli. "Zahvaljujemo i našim pokroviteljima Ministarstvu



Goncalo Sousa Pinto, predstavnik Federacije, na Kongresu farmaceuta BiH

civilnih poslova BiH, Agenciji za lijekove i medicinska sredstva BiH, entitetskim ministarstvima zdravlja i Ministarstvu Brčko distrikta", kazala je Amidžić, dodajući da je na Kongresu predstavljeno 160 različitih tema s ci-

Cilj Kongresa farmaceuta BiH jeste da se prate svjetski naučni trendovi u oblasti farmacije i farmaceutske proizvodnje lijekova, njihova terapijska primjena te razmjena iskustava

ljem da pozicija farmacije bude na što boljem nivou i da farmaceuti budu prepoznati kao izuzetno važan dio zdravstvenog sistema.

"Živimo u vremenima jakog tehnološkog razvoja i napretka, tako da i

farmaceutska djelatnost ima dinamiku, brz razvoj, usvajaju se nove tehnike. Cilj Kongresa i jeste da se prate svjetski trendovi u oblasti farmacije i farmaceutske proizvodnje lijekova te njihove terapijske primjene. Ovaj skup je prilika razmjene iskustava znanja i praćenje naučnih trendova u farmaceutskoj djelatnosti", kazao je prof. dr. Fahir Bečić, dekan Farmaceutskog fakulteta Univerziteta Sarajeva.

Prof. Ranko Škribić, dekan Medicinskog fakulteta Univerziteta u Banjoj Luci, kazao je kako je veliki značaj ovog kongresa kada se u velikom mjestu okupe svi saradnici i kolege koji se bave farmaceutskom djelatnošću. Na jednom mjestu govori se o struci i o tome od čega struka zavisi, a to je proces obrazovanja stručnjaka koji su jedni od nosilaca zdravstvenog sistema.

"Pored doktora koji se smatraju nosiocima zdravstvenog sistema, farmaceuti su drugi stub, pored sestrinstva, koje je možda treći stub, tako da svi zajedno u sadejstvu možemo, trebamo i moramo da značajno mijenjamo i zdravstvenu situaciju i zdravstvenu sliku u našoj zemlji i tako doprinesemo opštem poboljšanju zdravlja našeg stanovništva", naglasio je prof. Škribić.

Buduća saradnja

Prof. Škribić je govorio i o aspektu multidisciplinarnosti, da svako iz svog domena doprinese ne samo unapređenju struke već i da kolegama iz inostranstva podijeli iskustva. "Ovo je bila prilika da dogovorimo buduće saradnje i razmjene stručnjaka, da njihovi ljudi dođu kod nas, da mi pošaljemo naše mlade ljude u inostranstvo kako bistekli prijatelje i kada dođu nazad, da svoj ciklus nastave i znanje prošire dalje. Važno je znanje koje se dijeljenjem umnožava, tako da smo i mi u funkciji da dijelimo to znanje", kazao je prof. Škribić.

MERIMA BABIĆ



PODACI O STANJU S BROJEM I GODIŠTIMA VOZILA

Starost voznog parka u BiH iznosi 16 godina, najviše registriranih automobila u Sarajevu i Tuzli

Zlatko Tulić

Starost automobila na cestama u BiH odavno je poznata boljka koja održava ukupno ekonomsko stanje u kojem se nalaze građani zemlje. Bosna i Hercegovina, kada je riječ o starosti voznog parka, ne može se pohvaliti nekim optimističnim brojkama.

Broj registriranih

Prema podacima koje je prikupila Slobodna Bosna, najmanja prosječna starost automobila je u Hrvatskoj, zatim u Bosni i Hercegovini, a najveća u Srbiji. S druge strane, Srbija ima manji broj automobila u odnosu na broj zaposlenih stanovnika, dok je u Bosni i Hercegovini i Hrvatskoj broj automobila veći od broja zaposlenih. Broj automobila i njihova prosječna starost jedan je od parametara kojim se može sagledati ekonomska slika određene države, a ako se u obzir uzme i broj zaposlenih, odnosno nezaposlenih stanovnika te države, slika je, navodi Slobodna Bosna, dosta potpunija. Prema podacima Centra za vozila Hrvatske, u 2018. godini u Hrvatskoj je ukupno bilo registrirano 2,167.996

vozila. Prosječna starost cijeloga hrvatskog voznog parka za 2018. godinu iznosi 14,6 godina. Prema posljednjim podacima Hrvatskog zavoda za zapošljavanje, krajem kolovoza u Hrvatskoj su bila 1,43 milijuna zaposlenih, a 114.498 nezaposlenih. Tako na svakoga zaposlenog stanovnika Hrvatske dođe 1,51 automobil. U 2018. u Bosni i Hercegovini prosječna starost automobila iznosila je 16 godina, dodaje Slobodna Bosna. Registrirano je ukupno 1,064.130 vozila, što u odnosu na 2017. godinu predstavlja povećanje od 43.010 vozila, odnosno za 4,21 posto. Broj registriranih vozila najviše je povećan u Distriktu Brčko za 5,18 posto. Kada je riječ o području FBiH, najviše registriranih vozila ima u Sarajevskoj županiji, na drugom mjestu je Tuzlanska županija, a najmanje ih je registriranih u Bosansko-podrinjskoj županiji. Kada je riječ o odnosu broja automobila prema broju zapo-

slenih, valja pogledati posljednje unesene podatke. Tako je, prema informacijama Agencije za rad i zapošljavanje, posljednjeg dana u mjesecu kolovozu u BiH bila 821.791 zaposlena osoba, dok je 406.848 osoba ostalo na evidencijama zavoda i službi zapošljavanja.

Statistički odnos

Statistički to iznosi 1,29 automobila po glavi svakog zaposlenog stanovnika u BiH. U Srbiji su, prema posljednjim podacima, registrirana 2,029.554 automobila. Prosječna starost automobila je 17,1 godina. Ukupan broj zaposlenih u drugom tromjesečju 2019. godine iznosio je 2,161.533 osobe.

Za razliku od Hrvatske i BiH, broj automobila u Srbiji je, dakle, manji od broja zaposlenih osoba, dok su automobili u Srbiji u prosjeku za 2,5 godina stariji od automobila u Hrvatskoj, odnosno 1,1 godinu stariji od automobila u BiH. ●

U PROSLOJ GODINI REGISTRIRANO JE
UKUPNO 1,064.130 VOZILA, ŠTO U ODNOSU NA
2017. GODINU PREDSTAVLJA POVEĆANJE
OD 43.010 VOZILA



ADNAN TERZIĆ, DIREKTOR AUTOCESTA FEDERACIJE BIH

Radi se 36 km koridora s objektima i deseci mostova

Nijedna autocesta u BiH nije međusobno povezana. Stotine milijuna eura odobrene su za izgradnju, ali izgradnje, naročito u FBiH, nema ili ide sporo. Adnan Terzić, direktor Autocesta FBiH, komentirao je za NI početak gradnje mosta na Savi, granici između BiH i RH, kazavši da se deseci takvih mostova grade u FBiH: "Most Počitelj tri puta je viši u odnosu na ovaj most. Nemamo završeno zato što smo tek počeli graditi i stekli uvjete". Na pitanje tko ne radi posao, direktor Autocesta odgovara da se radi maksimalno i intenzivno: "Radi se 36 km koridora s vrlo zahtjevnim objektima, deseci mostova

koji su puno zahtjevniji. Od početka 2017. godine pa do danas urađeno je 350.000.000 maraka na autocesti. Imamo ugovorene kreditnih obveza i ugovorene ugovora za izvođenje radova u visini od 380.000.000 eura. Svakog mjeseca povlače se sredstva", dodao je Terzić. Koridor Vc bit će završen šest godina nakon što počne gradnja ključnog tunela Prenj:

"Prijelomni objekt je tunel Prenj. Onog trenutka kada dodijelimo ugovor za tunel Prenj, treba šest godina, a sve ostalo može se završiti. Trebamo imati i podršku Vlade za to, od financijskih institucija podršku već imamo. Nadamo se da



TERZIĆ: Očito je trasa autoceste Beograd - Sarajevo kroz FBiH još uvijek upitna

ćemo proceduru završiti iduće godine", kazao je Terzić. "Za brze ceste apsolutno nemamo zaokruženu financijsku konstrukciju. Imali smo ideju, ona 0,3 feninga po litri goriva, ali Vlada je otišla u drugom smjeru", kazao je. Govoreći o autocesti Sarajevo - Beograd Terzić je kazao da njih nitko nije zvao kada se potpisivao memorandum. "Taj projekt treba raditi državno Ministarstvo promet i veza jer prolazi kroz dva entiteta. Autoceste su uradile idejni projekt od Žepča do Tuzle, od Tuzle do Brčkog, od Brčkog do Orašja. Očito da je trasa kroz Federaciju još uvijek upitna", rekao je Terzić za NI. (id)